

三才圖會

三才圖會

雲間元翰父王圻編集

男思義校正

地理十二卷

羅浮山圖

南海神祠圖

海珠寺圖

粵王臺圖

妙高臺圖

韶石山圖

觀音巖圖

白鶴峰圖

東山圖

七星巖圖

桂林圖

真仙巖圖

都嶠山圖

勾漏山圖

白石山圖

昆明池圖

點蒼山圖

雞足山圖

九鼎山圖

方丈山圖

雪山圖

養龍坑圖

三一溪圖


羅浮山圖



三十六圖

也里十二歲

一



羅浮在增城博羅二縣邈處海上高三千六百丈袤直五

百里峰巒四百三十二遊者自龍華寺有昌福夫人祠七里登山

至延祥寺明月戒壇百尺壇鐵佛像御園柑子至山腰三

里餘有寶積寺中閣御書閣中藏宋太宗真宗仁宗賜書錫杖泉原在

駐錫之地銅佛像寺後羅漢巖有火通金壇山伏虎巖隋僧惠越居此佛跡石

上山十里有大小石樓二樓相去五里其狀如樓鐵橋峰在羅浮二山相接處上

界三峰上接鐵橋峰高二仞青羊巖在上界第三峰上有羊跡夜樂洞在上界三峰下犀

牛潭試劍石在夜樂洞中軒轅曾於此試劍瀑布泉夜樂洞中鳳凰谷夜樂洞中鳳

浴潭在鳳谷口有五色雲氣瑤石臺在浮山核鐵橋峰飛雲塔又云凌雲在山頂上即飛

雲峰夜半

瑶池

在山頂又名龍母池

阿耨池

在飛雲塔之西

夜樂池

飛雲塔側池中

夜有樂聲

阿耨塔

梁蕭啓建有二十六所

泉源山

羅浮二山接連處下接龍王坑泉分出東西流

玉鶯峰

一名鸚鵡

龍首壇

佛書云花首菩薩五百位於此壇上

資福寺南樓寺

在石

樓之南故得名

去延祥之西五里餘曰黃龍洞

南漢於此建天華宮今于爲西天華

七星壇

有古松十株甚奇

獅子洞

有道者菴

花首臺

在黃龍洞之西

山背曰鳳

凰岡

何仙姑居此

雲母溪

內出雲母石

循延祥而東七里餘抵冲虛

觀

丹竈

有東坡書稱川丹竈四字

衣冠塚

葛仙尸鮮并其衣冠

蓬萊閣後遺

履軒

鮑仙葛仙夜談之所

銅玉皇像及二侍從三尊

南漢所鑄者

觀後朱

明洞

道書云朱真人所治

朝斗壇

在洞口近於壇獲銅龍一銅魚一

黃野人庵

野人葛仙

之門人也庵  
有亞虎守之

釣魚臺

在觀之左

清雅谷

蘇真人常居此

野人洞

即王子書堂坑

王子名

觀之北曰酥醪觀

葛仙北庵

麻姑峰

在觀之西南有石姑壇常有彩雲白

鶴集其上

觀之南曰觀源洞

一名麻姑洞一名藥院葛仙洗藥之所

西北曰幽居

洞有鄭公書堂

滴水巖

在幽居洞之後

長壽觀

本南漢天華宮今呼爲南天宮

中路直

上君子巖

巖側有通天岩

雲峰巖其下曰蝴蝶洞

洞多蝴蝶云是葛洪遺衣所化

前曰水簾洞

此中水石最勝張秘書劉丞相讀書于此

天漢橋路出藥槽其下

爲流杯池

昔有八仙會飲於此其側有人仙石石上有詩

羅浮石刻

篆書羅浮二字大字廣一丈

許又小石刻朱明洞天四字倒卧漢中又石刻篆書長壽潤三字

東龍潭

潭上有五龍堂

自冲虛

觀出會仙橋東行三里餘抵明福觀

南漢建亦名九天觀

迤邐至石



洞卽廊仙騎牛入石處

小水簾洞

此處多隱者庵

白鶴觀

葛仙東庵

東北至蛇穴

單道開蟬蛻之所相傳穴中有路通眉州

又東數里至蓬萊洞丫髻峰

又名雙髻峰

有劉仙堂

石壇高百丈許云劉高尚打坐

峰下有試劍石有羅陽溪

傍溪產龍

葱竹巨十圍其節長二丈葉如芭蕉

東林寺山之東西有香臺峰會真峰櫻


桃峰拋毬峰刀子峰錦繡峰黃猿峰鉢盂峰致雲峰大旗

峰小旗峰雲母峰雞籠峰又有金沙洞石臼洞朱凌洞太

和洞歐陽洞赤水洞白雲洞風洞雲雨洞白角洞大慈寺

洞古老洞枕榔洞大坑洞奇巘秀峰湍流怪石不可名狀

南海神祠圖



南海神祠在廣州省城南二十里海口殿宇弘壯韓昌黎  
碑刻在焉有一峰甚高上有亭曰浴日登望巨海浩瀚無  
際見崖山如浮漚天光中有黑子如小豆凌風而至祠下  
則萬斛巨舟也中門外有達磨像甚偉衣冠皆唐制庭有  
一木榦葉青翠不知名相傳達磨自西域移來者祠中有  
馬援銅鼓數枚大者徑四五尺小者亦二尺

海珠寺圖




海珠寺在廣州會城西南江中蒼梧湟中橫浦諸水皆會  
於此入海而山居其中圓而秀若珠浮水面佛宮據其上  
幽靜奇絕法界之外無容足之地矣

學王臺圖



粵王臺在今廣州治漢南粵王趙陀所建上有五層之樓  
控連山望遠海嶺表奇觀也宋之問詩云江上粵王臺登  
高望幾回南溟天外合北戶日邊開張九齡詩云城隅百  
雉映水曲萬家開里樹枕椰出時禽翡翠來一詩足以盡  
臺之勝矣

妙高臺圖





妙高臺在今南海之金山粵江環遶孤峰獨立蘇東坡過  
南海時常登遊焉作詩云前世德雲身是我依稀猶記妙  
高臺蓋記其實也上有東坡祠像

龍石山圖



三下圖

龍石山圖

龍石山圖

韶石山在韶州府城東北八十里山之石怪奇有三峰四  
接盤龍駱駝獅子虹蜺鳳閣馬鞍等名而韶石雙峙如闕  
相傳舜南巡登此山石上奏樂因名唐韓愈詩慙欲繫船  
韶石下上賓虞舜整冠裾宋王安石詩怪石巉巖上沈寥  
昔人於此奏簫韶

觀音石圖



觀音巖在英德縣崇山臨江石竇豁訝中偏側無可觀者  
後洞中白石懸岩上望之宛如白猿俗傳大士所降猿精  
妄語也石牖外出懸壁數仞藤樹交蔭如世所圖普陀巖

白鶴峰圖



白鶴峰在惠州府之東迤山盤錯江水旋遶蘇東坡謫惠州時所居宅也有思無邪齋德有鄰堂左右有朱墨二池中祠公父子兄弟之像外古榕數株積翠如雲蔭覆隆密可愛

東山圖



三才圖會

地理十二卷

十二



東山在潮陽府潮陽縣治東與韓山相接上有一巨石有七孔若北斗狀中一孔出水不盈不涸又有二峰曰雙旌石唐韓愈遊覽之地亭榭多見於此宋鄭原詩尋泉行處僻就石坐來寒

七星岩

三才圖會

地理十二卷

十三





七星巖在肇慶邵城北其峰嶙峋葱鬱森列蒼布如隕星  
麗地錯落凡七其中一峰宏開巖壑虛明昭曠可容數百  
人嘉石穹窿清泉映帶誠一方之奇觀也巖外構亭數楹  
扁曰臨壑引石爲梯直抵巖所巖內築臺高三尺方廣若  
千丈又有石室詭怪萬狀崖斷穴露呀然而闢斷嵌崆刻  
截巖掀層巔劃巨石頑青老碧將墮復屹交撐互指如竦  
如立龍蛇盤蟄煙雲出沒中敞平地廣畝側環翠壁踰伊  
滴乳成桂凝嵐作蓋圖經謂帝觴百神之所亦九九小洞  
天之一也谿泉清冷林鳥嘲晰猿跳獸擾藤刺薜纏春葩

夏颺秋菊冬桂皆常景物何足詫尚

桂林





桂山在府治東三峰連屬城中望之前峰拔起如獅子昂首狀有巖桂生其巔次峰宛轉橫亘一方俗號北山從峰巖從鬱積是爲疊絲巖舊號越王山頂有石壇世傳五代時馬殷所築

獨秀山在府治北直聳五百餘丈如卓筆然環顧諸峰獨爲雄秀

伏波山在府治東北又名伏波巖突起千尺與獨秀山相望下有還珠洞可容二十榻石如蒼玉旁有懸石如柱俗號馬伏波試劍石巖上有巨人跡復有紫白二紋長數丈



蜿蜒相向有圓暈直其首如二龍戲珠舊名玩珠洞宋張  
雜易曰還珠張孝祥大書於石洞前石脚插入灘江

七星山在府城東二里舊名七星巖七峰列如北斗旁有  
小峰如輔星緣磴而上山半有亭曰簪帶絕頂有道院超  
出塵表

彈丸山在府城東二里下有泉奔流迅激東注于灘江山  
之西北及溪中有石如彈丸因名

西山在府城西三里一峰峻拔如立魚狀俗號石魚峰餘  
峰環列

隱山在府城西三里唐李渤出鎮見石門大開有水泓澈  
乃芟薙蕪穢跡通巖穴石林磴道若天造靈府不可窮究  
因號隱山上有朝陽夕陽南華北牖嘉蓮白雀六洞吳武  
陵韋宗卿有記

灘山在府城東南三里灘水之陽一名雉山又名沈水山  
其山孤拔下有澄潭旁有洞穴南北直透上有怪石欹危  
藤蘿縈茂土人嘗避亂其中

華景山在府城北三里下有洞深廣如厦屋中多唐人遺  
刻

寶積山在府城北三里與華景山相連多詭石恠太山也  
隅有巖石乳融結舊名呂公巖

舜山在府城北五里一名虞山層巖臨江有舜祠并唐人  
磨崖刻記祠後有韶音洞宋張拭記云虛明以長石色青  
潤可愛而地之勝有若天成焉

穿山在府城東南五里山巔有穴通透望之如月輪挂空  
南溪山在府城南七里聳拔千尺煙翠凌空下臨南溪  
辰山在府城東北一十里山有三巖下巖曲折而入石室  
穹然中巖乳石多奇怪上巖有一亭可眺望

中隱山在府城西一十里山有三巖下巖深廣如積大艘  
中巖明爽有乳石疑結上巖差小舊有寺懸崖製屋恍然  
非人境

堯山在府城東北一十五里環柱之山皆石此獨多土中  
有堯祠按史傳堯封履不到蒼梧以西與舜山相對人慕  
堯舜之風因名

侯山在府城西一十五里高聳如公侯端冕之狀

讀書巖在獨秀山下有石榻石牖如環堵之室可坐十客  
劉宋太守顏延之曾讀書其中後人因以其五君詠刻於

石側

曾公巖在七星山下石門谿谷中有澗水左旋東流伏于石下舊名冷水巖宋曾布帥桂跨澗爲石橋榜以今名

屏風巖在府城東北五里一名程公巖屹立高百餘丈中有平地可容百人仰視鍾乳倒垂狀如瓔珞登石磴五十餘級有石穴通明昔人嘗卽其處作壺天觀而名其洞曰空明

劉儂巖在府城南七里相傳仙人劉仲遠居此磴道攀援而上石室高寒旁有穿雲僊蹟兩巖

棲霞洞在七星山畔入洞門下行百餘級始得平地盛暑無炎歎

水月洞在府城南二里濱江三洞惟水月最佳洞門透徹山頂高數十丈其形正圓望之儼如月輪

龍隱洞在七星山前兩崖石玉立仰視洞頂有龍跡其下水深莫測湧激如在三峽中盛暑泛舟其間涼風襲人又名龍隱巖

風洞在七星山後洞口低下當戶陰風襲人宋柳開有銘刻于石

白龍洞在府城南七里俯瞰南溪唐李渤嘗名以玄巖改曰白龍洞以洞中乳石凝結如白龍狀

湘灘二江源出海陽山流五里分爲二南灘水又名桂江漢討南粵戈船下瀨將軍出零陵下灘水卽此行二百里合癸水至府城下合相思江入梧州界北爲湘水合越城嶠水至全州又合洮灌二水入永州界

西湖在府城西三里環浸隱山六洞濶七百餘畝勝槩甲於一郡湖久廢宋經略張維築斗門復舊

訾家洲在府城東南先是訾家所居因以名之雖巨浸不

能沒自古以爲浮洲唐柳宗元有記

省春巖在七星山之右如簷覆前有石乳承溜又如枯槎倒挂長七尺餘桂林四際溪山不留寸土惟此平田廣橋一望豁如故令長行春省耕于此山勢西東夕陽不入洞前登以瑤臺圍以石檻右有小洞二三穿山而過架以層樓更衣燕息此延賓之善地也

韶音洞在虞山下入其中虛明以長仰而視之石去人僅尺許色青潤可愛瞰其旁多蹲踞蜿蜒如虎豹龍蛇者



真仙巖圖



三才圖會 地理十二卷 二十一  
真僊巖在柳州府融縣東五里仰視高遠青白錯雜靈壽  
谿貫串中出玲瓏清響如環珮聲中有白石巍然如天尊  
像舊名靈巖山又名老君洞宋咸平中改爲真仙巖頒太  
宗御書百二十軸藏于內張孝祥磨崖大書天下第一真  
仙之巖

都嶠山圖



三才圖會

地理十二卷

二十一

都嶠山在梧州府容縣南二十里山有八峰曰兔子馬鞍  
八疊雲蓋香爐仙人中峰丹竈而八疊奇秀最高有南北  
兩洞皆天造地設道書第二十洞天卽此南洞寬坦中列  
浮屠大像北洞差狹爲星壇凡八中峰絕頂有室曰中宮  
院

勾漏山圖



三才圖會  
地部  
三才  
勾漏山在梧州府北流縣東北一十五里石峰千百皆矗  
立特起其巖穴勾曲穿漏故名山有寶圭洞卽道書第二  
十二洞天也洞有三石室相傳葛洪嘗於此脩煉

白石山圖



白石山在潯州府城南六十里兩峰並立下有巖洞卽道  
書第二十一洞天通容縣勾漏洞世傳葛洪煉丹嘗往來  
其間洞之上會仙巖有煉丹竈及八仙石存焉



昆明池圖





滇池在雲南府城南一名昆明池一明滇南澤周廣五百餘里合盤龍溪諸水匯爲此池中產衣鉢蓮花下流爲螳螂川中有大小臥衲二山史記滇水源廣末狹有似倒流故曰滇漢武帝欲伐滇國於長安南穿昆明池象之以習水戰

五華山在府城內上佛寺

螺山在府城北舊名盤神山有巨石色皆深碧如螺髻下有潮洞門有盤瓠廟基

商山在螺山北連峰疊巘丹崖翠壁若鸞停鵠立下有冷

泉土人云浴之可去風疾

石鼻山在府城西一十里山有白石狀如人鼻

玉案山在府城西二十五里一名列和蒙山秀麗多泉石  
石有碁盤山北平坡中有三泉如盆池郡人春日遊賞于  
此山中有玉案蘭若

文殊山在府城北二十五里一名蒙滯雄山上有文殊堂  
及文殊泉

金馬山在府城東二十五里西對碧雞山中隔滇池山不  
甚高而綿亘西南數十里上有長亭下有金馬關

碧雞山在府城西南三十里東瞰滇澤蒼崖萬丈綠水千尋月印澄波雲橫絕頂雲霧一佳景也漢宣帝時方士言益州金馬碧雞可祭祀而致遣王褒以祀至蜀而卒顏師古謂金形如雞碧形如馬未知果否

太華山在碧雞山西北

點蒼山圖



三才圖會

地理十二卷

二十八



點蒼山在大理府太和縣治西五里凡十九峰連脊屏列  
內抱如弛弓然峰各夾澗自山椒縣瀑注爲十八溪翠巒  
條分青嶂並峙山色翠黛殷潤歷秋冬不枯高六十里接  
連雲氣滇西山川聯絡拱揖蒙氏竊據封爲中嶽上有馮  
河周迴萬步五月積雪皓然山本青石山腰多白石穴之  
膩如切肪白質黑章片琢爲屏有山川雲物之狀唐李德  
裕平泉莊醴酒石卽此產也夏秋之交山腰複橫雲截如  
玉帶頗號奇觀其陽多山茶其陰多丹桂又有木蓮躑躅  
花樹並高數丈春日紅白錯襟被于谿谷中巖號雪山世



傳爲佛苦行之地草石皆作旃檀香氣叢林列剎諸峰錯前襟榆水碧澗萬頃望榆水東百里則有雞足山百里有畢鉢羅窟遺靈勝蹟偏在茲區按一統志記其峰溪曰南而北一曰斜陽峰陽南溪二曰馬耳峰葶溟溪三曰佛頂峰莫殘溪四曰聖應峰青碧溪五曰馬龍峰龍溪六曰玉局峰綠玉溪七曰龍泉峰中溪八曰中峰桃溪九曰觀音峰梅溪十曰應樂峰隱仙溪十一曰雪人峰雙鴛溪十二曰蘭峰白石溪十三曰三陽峰靈泉溪十四曰鶴雪峰錦溪十五曰白雲峰芒溥溪十六曰蓮花峰陽溪十七曰五

臺峰萬花溪十八曰蒼琅峰霞移溪十九曰雲弄峰至此則山海相接環海之外復有諸山曰青巔曰雞崑曰玉几曰羅笈曰曩葱曰龜曰蛇若拱若揖西向點蒼其間石窟勝景不可殫數要之不若鎮山之奇麗云

西洱海一名葉榆水河出浪穹縣罷谷山下數處涌起如珠世傳黑水伏流別派也自太和縣西北來滙於縣東爲巨津形如月生五日遶縣西南由石穴中出盤迴點蒼山後是爲澠水與漾水合又會蘭倉江而入南海蘭倉卽黑水也海首有石穴八九月產油魚人謂水鹹故肥河尾產

細鱗魚皆魚族之至美而河海鹹淡亦頗微焉八月望夜  
河海正中有珊瑚樹出水面漁人往往見之冬月海風水  
面起火高數丈莫知其故水中有三島曰金陵曰赤文曰  
玉几水涯有四洲曰青莎鼻曰大貫洲曰鴛鴦曰馬簾九  
曲曰蓮花曰大鶴曰蟠磯曰鳳翼曰蘿薜曰牛角曰坡垓  
曰高崑皆可田可廬而大鶴洲隨水升沉如世稱鸚鵡洲

然

雜足山圖





滇中有金馬碧雞雞足諸名山爲西南壯觀金馬碧雞乃漢人之所望祭而雞足則釋迦佛大弟子迦葉之所藏修也山距大理百餘里由海則徑由陸則迂入海行六里至柴市又一矢至海神祠前有閣曰浩然海氣上騰旭日東升霞綺練光絢爛奪目洱海所由名因水影如月抱珥也舟行約二十里抵東岸地名艣擺又山行二十餘里至下倉兩崖對峙石勢穹窿如欲墮狀傍有小澗藤蔓覆之惟聞水聲潺潺行一里許路險且狹行二里益險益狹又一二里稍平道傍多矮屋跨澗上者則水磴也又行二十餘

里至百接橋又三里至白石崖崖畔有庵曰白石草樹迷  
藏不可見又二里至洗心橋又一里至沙址村又二里入  
山前後水聲從空中瀉下如雷鳴此瀑布泉也土人所稱  
此中磴盤者九灣轉者十八後過白水庵又一里至石鐘  
寺西下二里許有大龍潭每潭中龍吟必有老僧入滅者  
潭在巖前幅員百餘步二面列樹如援潭邊淺草茸茸水  
平布草間僅寸許髮鬚若葑田踐之浮浮欲陷下云昔有  
道人見潭畔有異草前往取之忽水湧高數尺道人幾不  
免是真有物潛伏不可犯耶近潭多古松千株山高不聞

鳥聲忽格磔數聲出松間此松雞也地上多松毳總如雞子而色青此卽松雞所啄而墜地者行二里至龍華寺夾道皆古木木杪有絲飄蕭下垂如綠髮長數尺許土人謂之樹衣又三里至雲海庵又一里至龍祥寺又二里至海會庵又一里至玉皇閣又五里至迦葉殿土人及寺僧皆稱袈裟殿以其聲相近而訛也殿西數十步有盤陀石上可坐十數人東有真人洞洞在巖畔斗絕不可至出殿後東行一里許穿深谷而上緩步支離行二里而後至兜率庵又二里至銅佛殿莊嚴甚麗出殿後一里許爲糊猴



梯石芒屨齟齬偃僂視石罅落手投足始得進步如此二三里至土主殿則山之絕頂也絕頂有塔遠塔四望見是山之形前出三支後出一支誠若雞足四趾然西望點蒼隱約與是山高等而點蒼實高蓋彼有積雪而此無之是其證也還下土主殿乃行遵山之後趾行二里至虎跳洞又一里至舍身崖又一里由西巖穿石峽而下巖畔有仙人石碁枰三十二子亦具峽徑多流石歷落擁足下步欹側不能自持又一里至禮佛臺至此上下皆絕壁橫通一徑下臨大壑紆餘十數里曰桃花箐又一里許至曹溪庵惟

老屋三間中有佛像右禪榻左爐竈又行一里至八功德水又一里至華首門則迦葉安禪處也蓋石壁深入丈餘高十餘丈廣如高之數又其上石出二丈許如飛簷故謂之門正中有佛像左有磨崖字刻二處遠不可辨又一矢許還至銅佛殿直下玉皇閣乃折而西行十餘里至三角坊亂桃花溪乃遵山足右趾而行又十里至傳衣寺釋氏書稱釋迦佛一日拈起一花示迦葉微笑遂授以正法眼藏并付衣鉢此寺之所由名也又十里至福圓寺未至寺一里許崖畔有泉地勢坳窾不能爲渠寺僧剝木爲槽橫

閣松上接聯引水入香積厨下山二三里至河子孔上有  
龍祠山中大龍潭桃花箐諸水皆會於此昔釋迦佛生周  
昭王之世而迦葉爲之大弟子是時滇中爲西域之境未  
與中國通也故迦葉得以占雞足爲道場及二十八傳而  
至達磨持迦葉所傳之衣鉢以入中國六傳至於盧能則  
唐之中葉也而其時南詔尚建號稱王與中國抗天下雖  
知有雞足之名然以阻隔之故賸欲游而不可得方今華  
夷一統南詔爲衣冠文物之區國家財賦之府四方游雞  
足者踵接而至矣

九鼎山圖



三才圖會

地理十二卷

三十一



九鼎山在雲南縣西北二十五里其山有九頂故名世傳  
唐代村人於九頂上聞空中天樂累日不休乃相與尋索  
山巖巖有九洞一洞有佛像五軀因建寺焉朝代幾更古  
瓦猶在潼川僧明寂游訪至此佳其巖洞奇絕重爲修復  
其寺飛樓棧閣皆穴巖而構凭檻窺窻下臨無地信奇觀  
也梯磴窈窕夜臥多依石屋有泉在寺左十步許雖大旱  
涸猶足以作百人之供南中隱居之佳無與比者


方丈山圖



方丈山在鶴慶府城南一百里巍然峻拔山半有洞中有池深不可測水滴岩下如方響音昔蒙氏羅閣鳳琢觀音像于壁故又名觀音山南詔名山凡十七此其一也



雪山圖



雪山在麗江府西北二十餘里一名玉龍山條岡百里巋  
巍千峰上插霄漢下臨麗水山巔積雪經春不消巖崖澗  
谷清泉飛流蒙氏異牟尋封爲北岳

養龍坑圖



三才圖會

地理十二卷

三五九

養龍坑在養龍坑長官司兩山之間泓渟奩深靈物藏其  
下當春初和暢夷人立柳坑畔擇牝馬之貞者繫之已而  
雲霧晦冥類有物蜿蜒與馬接其產必龍駒 本朝洪武  
四年爲夏明昇降獻良馬十其一白者乃得之於此首高  
九尺長丈餘不可控御詔祀馬祖然後勅典牧者囊沙四  
百斤壓而乘之行苑中久漸馴習後將行夕月之禮於清  
涼山乘之如躡雲一塵弗驚賜名飛越峰且命繪形藏焉  
翰林學士宋濂爲之贊

三二溪圖

三才圖會

地理十二卷

四十



三一溪在州治東其源有三一出沙莊一出雲南坡一出  
目前山三流合一入于城南水洞洞外狹內曠其顛有通  
明處其中懸崖怪石狀若人獸清奇可翫